

SINDIKALNI ODBOR
OPĆINE STARI GRAD SARAJEVO

Sarajevo, 24.06.2021. godine
Broj: 29/21

PREDSJEDAVAJUĆI
OPĆINSKOG VIJEĆA STARI GRAD
SARAJEVO

dr. sci.Mirza Batalović

Poštovani,

Sindikalni odbor Općine Stari Grad održao je hitnu sjednicu, dana 24.06.2021. godine povodom najavljene inicijative dopredsjedavajućeg Općinskog vijeća Stari Grad Damira Saračevića iz Naroda i pravde o smanjenju osnovice za plaće državnih službenika i namještenika u ovom organu uprave.

Sindikalni odbor Općine Stari Grad ovu inicijativu u potpunosti odbacuje kao neosnovanu i neutemeljenu, te cijeni da dopredsjedavajući Saračević uopšte nije razmotrio posljedice svoje nesmotrene ideje.

Želimo informisati dopredsjedavajućeg Saračevića da je osnovica za plaću u Općini Stari Grad 340, te da osnovna plata jednog državnog namještenika sa srednjom stručnom spremom iznosi 952 KM, a sa nižom stručnom spremom 748 KM. Poređenja radi, primanja dopredsjedavajućeg Damira Saračevića iznose cca 3.700 KM mjesečno plus komisije, što je cca 4.000 KM, a poređenja radi plata načelnika je 3.568 KM. Takođe, treba imati u vidu da radni dan Općinskog načelnika traje bukvalno 24 sata sa velikom odgovornošću, što se ne može porediti sa funkcijom dopredsjedavajućeg gosp.Saračevića koji bi trebao da radi obavezno 8 sati, a zbog građana Općine Stari Grad koji su ga i birali. Takođe, poređenja radi, 20% od plate dopredsjedavajućeg i njegovih ukupnih primanja je cijela plata jednog namještenika.

Stoga, ovakav prijedlog smatramo ponižavajućim, uvredljivim i nedostojnim. Dopredsjedavajući Saračević svojom inicijativom udara ne samo na primanja državnih namještenika i službenika, nego i na osnovno ljudsko dostojanstvo. Nije teško izračunati ni primanja državnih službenika čiji koeficijent je određen Odlukom o iznosu osnovice za budžetsku godinu, a osnovica je kao što smo već rekli 340.

Želimo istaći još jednu veoma važnu činjenicu. Od svih jedinica lokalne samouprave u Kantonu Sarajevo, Općina Stari Grad ima najnižu osnovicu za plaće i Sindikalni odbor Općine Stari Grad zagovara njeno povećanje, u skladu sa realnim budžetskim mogućnostima. S tim u vezi, dana 10.06.2021. godine Sindikat je održao sastanak sa kojeg smo uputili apel uposlenicima da se svi uključe u skladu sa svojim znanjem, kompetencijama i nadležnostima radi povećanja prihoda Općine (naplata potraživanja po osnovu svih zakupa, utvrđivanje i neprijavlivanje svih nepravilnosti na općinskoj imovini koja donosi prihode itd) što bi u konačnici dovelo do povećanja prihoda u ovim teškim vremenima kako se ne bi moralo posegnuti za mjerama smanjenja osnovice za platu, već bi se moglo ići i u pravcu povećanja iste.

Poređenja radi, sve druge jedinice lokalne samouprave imaju znatno veće osnove, te su samim tim i primanja državnih službenika i namještenika neuporedivo viša. Općina Stari Grad i općinski načelnik Ibrahim Hadžibajrić jasno su pokazali u prethodnom periodu svoje opredjeljenje da pomažu u suzbijanju posljedica korone kako socijalno ugroženim, tako i privrednicima. Sindikalni odbor podržava takve aktivnosti, ali ne na način smanjenja plata državnih službenika i namještenika i urušavanja svakog ljudskog dostojanstva zarad političkog populizma.

S poštovanjem,

PREDSJEDNIK SOOSGS

Almir Mašić

ČLANOVI SINDIKALNOG ODBORA:

1. ŠABETA SAMIJA _____
2. MEĐEDOVIĆ IRFAN _____
3. UŠANOVIĆ EDINA _____
4. KADRIĆ-ZAHIRAGIĆ DŽEVADA _____
5. RESIĆ SENAD _____
6. DŽUBUR SAMIRA _____
7. ČIMPO AMELA _____
8. KADIĆ ADMIRA _____